

Sra. Sandra v/d Linde di bishita na Curaçao



Sra. Sandra van der Linde, un artista plastico cu ta destacando su arte visual di un manera sorprendente, tabata di bishita na nos hermana isla Curaçao pa hiba su mensahe spiritual traves di su pinturanan pinta cu su amor pa Dios.

Sandra su deseo ferviente ta pa crusa fronteranan y hiba e mensahe cu Dios ta amor, Dios ta e caminda y e unico Berdad. Di e forma aki Sandra a dicidi di crusa lama y comparti algun di su pinturanan cu e pueblo di Curaçao.

Sandra a presenta den programanan manera;



"Moru BON DIA", "Bo Trai Merdia" y "Dune Un Chance" den Tele Curaçao y el a laga un tremendo reaccion atras. E pueblo di Curaçao a haya e oportunidad di mira y aprecia cierto pinturanan Spiritual



hunto cu e mensahe di speranza cual ta den Cristo Hesus. Sandra a comparti un poco di su historia y su soñonan spiritual nocturno y su interpretacionnan cu ta Dios so por duna esaki.



Awe Sandra ta mirando resultado di su soñonan y e ta hopi contento y gradicido na Dios. Mester agrega cu durante su bishita na Curaçao Sandra tabatin e oportunidad di cera conoci cu e artista popular

Papy Adriana. Sra. Sandra tabata invita den su academia y el a keda hopi contento cu e invitacion. Di e forma aki Sandra kier a gradici un y tur cu a haci su bishita na Curaçao uno super placentero. □